

Кеше Мемлекет басшысы Қасым-Жомарт Тоқаевтың Алматыдағы жұмыс сапары қаланы абаттандыруға бағытталған жобалармен танысудан басталды. Бақытжан Сағынтаев Мемлекет басшысына қаланың полиорталық моделін қалыптастыруды көздейтін «Жаңа Алматы» бағдарламасы туралы баяндады. Бұл жоба қала тұрғындары үшін өмір сүруге қолайлы жағдай жасап, олардың еркін демалуына жаңа қоғамдық кеңістіктер құруға бағытталған.

Мемлекет басшысы әкімнің есебін тыңдағаннан кейін барлық жобалар қалада қауіпсіз орта қалыптастырып, шаһардағы өсімдіктер қорын сақтап қалуға бағытталуы қажет екенін атап өтті. Президент құрылып жатқан жаңа саябақтар жергілікті тұрғындардың демалысына ыңғайлы болуы керек деп есептейді.

Қасым-Жомарт Тоқаев жалпы қалада жүргізіліп жатқан жұмыстарға оң баға берді. Қала басшысына әр ауданда тұрғындардың демалысы мен еркін жүріп-тұруына қолайлы заманауи алаңқайлар салуға көңіл бөлуін тапсырды.

ӘЛІБЕК ДІНІШЕВ – «ҚАЗАҚСТАННЫҢ ЕҢБЕК ЕРІ»

Сондай-ақ Қасым-Жомарт Тоқаев халық артисі Әлібек Дінішевті «Қазақстанның Еңбек Ері» атағымен марапаттады.

Мемлекет басшысы мәдениет майталманын мерейтойымен құттықтап, өнерге сіңірген еңбегін жоғары бағалады. Әлібек Дінішевтің жарты ғасырға жуық атқарған қызметіне ризашылығын білдірді.

— Қазақтың маңдайына біткен ең дарынды тұлғаларымыздың бірісіз. Бәріміз сізді мақтан тұтамыз. Қазақстанда да, шет мемлекеттерде де өзіңізді білмейтін адам жоқ. Әлемдік деңгейде сіздің өнеріңізді бәрі жоғары бағалайды. Педагог ретінде де, қоғамдық жұмыстарда да белсендісіз. Туалсіз еліміздің дамуына сіңірген еңбегіңіз орасан. Осы қызметіңізді ескере отырып, Отандық мәдениетті дамыту мен музыка өнерін дәріптеудегі айрықша еңбегіңіз үшін жоғары дәрежелі ерекшелік белгісі — «Қазақстанның Еңбек Ері» атағын беру туралы шешім қабылданды. Мен оны лайықты шешім деп есептеймін, — деді Қазақстан Президенті.

Әлібек Дінішев Мемлекет басшысына еңбегін бағалап, құрмет көрсеткені үшін алғысын білдірді.

— Менің шығармашылығымды бағалап, көрсетіп жатқан құрметіңіз үшін алғыс айтамын. Өзіңіз айтқандай, еліміздің де, шет мемлекеттердің де сахнасында өнер көрсетіп келе жатқанымна 45 жыл болған екен. 70 жас мерейтойыма жоғары дәрежелі «Қазақстанның Еңбек Ері» атағын беріп жатырсыздар. Шексіз ризашылығымды білдіремін, — деді Әлібек Дінішев.

Қасым-Жомарт Тоқаев қабылдау соңында Әлібек Дінішевке денсаулық, кәсіби және қоғамдық жұмысына табыс тіледі.



Сыр бойы

Қызылорда облыстық қоғамдық-саяси газет • 1929 жылдың 1 шілдесінен шығады



24 ТАМЫЗ, сейсенбі 2021 ЖЫЛ

e-mail: syrboyi@yandex.kz / www.syrboyi.kz

www.facebook.com/syrboyi/kz | www.instagram.com/syrboyi_kz | https://twitter.com/syrboyi | t.me/syrboyi_kz

КЕҢЕСТІҢ КЕЗЕКТЕН ТЫС СЕССИЯСЫ

Кеше Мемлекет басшысы Қасым-Жомарт Тоқаев бейнебайланыс арқылы өткен Ұжымдық қауіпсіздік туралы шарт ұйымы Ұжымдық қауіпсіздік кеңесінің кезектен тыс сессиясына қатысты.

Мемлекеттер басшылары Ауғанстандағы жағдай және оның Ұйымға мүше мемлекеттердің қауіпсіздігіне тигізер әсері туралы пікір алмасты. Сондай-ақ Орталық Азия аймағындағы сын-қатерлердің алдын алуға бағытталған іс-қимылдарды талқылады.

Қазақстан Президенті өз сөзінде барлық сын-қатерлерді, соның ішінде терроризм мен экстремизмнің таралуы, қару-жарақ пен есірткінің заңсыз саудасының артуы, заңсыз көші-қон, босқындардың жаппай қозғалысы, аймаққа деструктивті элементтердің енуі секілді мәселелерді кешенді түрде қарастыру керек екенін назар аударды.

Осыған байланысты Қасым-Жомарт Тоқаев ұжымдық қауіпсіздік жүйесін нығайтуға және Ұйымның шұғыл әрекет етуіне бағытталған бірқатар ұсынысы айтты.

Мемлекет басшысы Ауғанстандағы гуманитарлық және азық-түлік дағдарысының алдын алу аса маңызды екенін де атап өтті.

ҰҚШҰ Ұжымдық қауіпсіздік кеңесінің кезекті сессиясы биыл 16 қыркүйекте Душанбе қаласында өтеді.



● ДЕНСАУЛЫҚ

МӘМС: Ұсынылған мүмкіндік ұғынықты ма?

Елімізде міндетті әлеуметтік медициналық сақтандыру жүйесі (МӘМС) енгізілгені оң өзгеріс байқалады. Тұрғындар ақшы медициналық көмекті тегін ала алады, емхананы, дәрігерді таңдау құқығына ие. Сақтандыру қоры арқылы жеке клиникаларға тексерілуге мүмкіндік бар. Алайда, өңірде жүйенің толыққанды жүзеге асуына кедергі келтіріп отырған мәселе жоқ емес. Ол — сақтандырылмаған азаматтардың үлес салмағының әлі де жоғары болуы. Деректерге сүйенсек, облыста 800 мың тұрғынның тек 654 мыңы ғана сақтандыру мәртебесіне ие. Бұл 82,2 процентті құрайды. Оның үстіне әлеуметтік желіде де сақтандыру төңірегінде сауал তোластаған емес.

Сб Мөлдір ҚАЛЫМБЕТ, «Сыр бойы»

ЖЕДЕЛ ЖЕЛІ ЖҰМЫС ІСТЕЙДІ

Басты сұрақ дәрігерге алдын ала жазылуға қатысты. Тұрғындар тарапынан «Дәрігерге қалай жазылсам болады? Енді не істеуім керек?» деген сауал көп. Бұл ретте мамандар консультациялық-диагностикалық қызметтерді күту уақыты 10 күнтізбелік күннен аспайтынын еске салды. Мұндай жағдай орын алса, бұл келісімшарт талаптарын бұзуға жатады және

айыппұлға дейін әкеп соғады. Енді көптің көкейінде жүрген «Уақытылы медициналық көмек алу үшін не істеу керек және өз құқығымы қалай қорғаймын?» деген сұрақтарға тоқталсақ. Егер емхана қажетті қызметті уақытылы көрсете алмаса, сіз оны бірлесіп орындау шарты бойынша басқа клиникада алуға құқығыңыз бар. Жолдама ақпараттық жүйеде немесе қағаз түрінде уәдесіз дәрігермен беріледі.

3-бет

● ЕКПЕ АЛ!

Сақтық баршаға ортақ

23 тамыздағы мәліметке сүйенсек, өңірде коронавирус инфекциясымен 124 жағдай тіркелген. Жазылушылар саны 150-ге жетті. Жақында 500 орынга лайықталған «Сейхун» стационарынан соңғы науқас үйіне шығарылды.

Сб Мөлдір ҚАЛЫМБЕТ, «Сыр бойы»

Эпидемиологиялық жағдай бұл стационар қайта жасқалып, індетпен күресте белсенді жұмыс атқарған болатын. Ол 30 шілде күні ашылып, 16 тамыз күні соңғы науқастың үйіне оралуына септігін тигізді. Облыстық психикалық денсаулық орталығы директорының орынбасары Аман Тұрсынов мұнда екі аптадан астам уақытта коронавирус індетіне шалдықан 200-ге жуық науқасқа ем-дом көрсетілгенін хабарлады.

— Биыл коронавирус жасардан көп анықталуда. Өсіресе, екіпес салдырмаған жерлерде ауыр жағдайда орталыққа жеткізілді.

Облыстық психикалық денсаулық орталығының 70 қызметкері стационар жұмысына жұмылып, әрбір науқастың сауығып кетуіне күш салды. Коронавирустың басқа вирустарға қарағанда азулы. Мәселен, осы уақытқа дейін жалғымдар таралған вирустың барлығын ғылыми жолмен тоқтатқан. Сондықтан екіпес ұжымдық иммунитетті қалыптастырады дегуге негіз айтарыяқтай. «Үрей — дерттің жартысы, сабыр — еминің жартысы, төзім — сауығудың басы» деген ғалым Ибн Сина. Сабыр мен сақтықты, төзім мен тәртіпті серік



етсек және әлем елдерінің тәжірибесіне сүйенсек, бұл күн артта қалады, — дейді ол.

А.Тұрсынов айтқандай, індетпен күресте әрбір медицина қызметкері белсенді. Мәселен,

№3 қалалық емхана мамандарынан жасақталған 6 мобилді топ та инфекция жұқтырған науқастарды көрсеткішіне қарай провизорлық және карантиндік стационарларға тасымалдау және үй жағдайында амбулаторлық ем тағайындауды жүзеге асыра отыр. Емхананың инфекциялистік дәрігері Лаура Мүсірнова індетпен күрес оңайға соқпай тұрғанын және қазір емханада таңғы сағат 8:00-ден 22:00-ге дейін жоспарлы вакцина салдыру жалғасын жатқанын алға тартты.

Бұл орайда сандарды сөйлесек, 1 қаннан бастап екіпеске алғашқы 1000 дозасы өңірге жеткізіліп, алғашқы кезеңде ол медицина саласының қызметкерлеріне, педагогтар мен полиция қызметкерлеріне салынған еді. «Бүгінде екіпесің І компонентін 251454 адам қабылдаған, ІІ компонентін 197292 тұрғынға егілді» деген мәліметпен бөлігі облыстық денсаулық сақтау басқармасы.

ҚАЗАҚСТАН ТӘУЕЛСІЗДІГІНЕ



Рухани өрлеу өзегі

Тәуелсіз еліміздің рухани байлығын арттырып, асыл мұраларымызды жарқырата көрсетіп, ұрпақтан-ұрпаққа жеткізуде, төл өнерімізді халықаралық деңгей дәрежесінде танытуда мәдениет пен өнер саласы өкілдерінің еңбегі ерекше. Тәуелсіздік алған жылдардан бері Сыр мәдениеті мен өнері де кең құлаш жайды. Мәдениет мекемелері де мейлінше жаңа келбетке еніп, өркендеді. Облыс бойынша типтік жобалағы 31 клуб, 6 музей, 1 кітапхана, 1 мемлекеттік архив құрылысы салынып, пайдалануға берілді. Облыстық филармония жанынан Тұрмағамбет атындағы халық аспаптар оркестрі, «Ақмешіт» фольклорлық, «Сыр самалы» вокалды-аспапты ансамбльдері, камералық оркестр, т.б. кәсіби өнер ұжымдары құрылып, олар бүгінде өз өнерімен аймағымызға ғана емес, шетелдерге де танылып үлгерді.

Сб Дүйсенбек АЙШҰЛЫ, «Сыр бойы»

Сонымен қатар, өңіріміздегі мәдени құндылықтарды зерттеп, зерделеу мақсатында ежелгі өркенің ошақтары саналатын сақтардың орталығы Бәбіш мола, оғыздардың орласы Жанкент және қыпшақ, қазақ хандықтарының астанасы болған Сығанақ қалашықтарында археологиялық қазба жұмыстары жүргізіліп келеді. «Рухани жаңғыру» бағдарламасы аясында тарихи-мәдени мұраларымызды сақтау, қорғау, пайдалану мақсатындағы қазба жұмыстары мұнан әрі де жалғасын табады.

1991-2020 жылдары 38 тарих және мәдениет ескерткіші қайта жаңғыртудан өткізіліп, 109 монументті өнердің жаңа құрылыстары орнатылды.

Жоғарыда айтып өткеніміздей, сырбойылық өнер ұжымдары

үлт өнерін әлемдік сахнаға алып шықты. 2001 жылы құрылған «Томирис» би ансамблі АҚШ-тың Нью-Йорк, Вашингтон, Біріккен Араб Әмірліктерінің Абу-Даби, Ресейдің Казан, өзбекстанның Ташкент, Шырышқ, қалаларында өткен фестивальдерде өнер көрсетіп, қазақ би өнерін насихаттады.

2007 жылы ақын Тұрмағамбет Ізтілеуұлының 125 жылдығына орай облыстық филармония жанынан Тұрмағамбет атындағы халық аспаптар оркестрі құрылды. Осы мерейтойға орай республикалық жыраулар сайысы мен ақындар мұшайрасы өткізілді. Санамалай берсек, Сыр мәдениетінің тәуелсіздік жылдарындағы атқарған толайым істері баршылық, ігі шаралары мол.

4-бет

● ЖАҢА НЫСАН

Күре жолдағы «Керуен»

Қармақшы ауданында жаңа нысан ашылды. «Батыс Еуропа-Батыс Қытай» халықаралық көлік дәлізінің бойында орналасқан «Керуен» кешені жолашыларға қызмет көрсетуді бастап кетті. Кешенді кәсіпкер Ғалымжан Кеңебаев «Байқоңыр» әлеуметтік кәсіпкерлік корпорациясының қолдауымен ашқан.

Сб Ержан ҚОЖАСОВ, «Сыр бойы»

Төретам қентіне жақын орналасқан «С» санатындағы кешен ішінде барлығы қарастырылған. Дүкен мен асхана, қонақ үй мен көлік тұрағы бар. Бұған қосымша ірі жүк көліктерін жөндеугі орын да жұмыс істейтін тұр.

— Корпорация тарапынан түрлі саладағы кәсіпкерлік нысандарын ашуға қолдау көп. Соның бірі — осы «Керуен» кешені. «Байқоңыр» ӨҚК» АҚ жеке кәсіпкерге 48 млн 490 мың теңге қаржылай қолдау көрсетті. Бұл қаржы жол бойындағы

құрайтын жобаны иесі әлі де үлкейтпекші.

— Бір мезгілде 60 адамға дейін қабылдайтын қонақ үй, вулканизация, автокөлік жуу, техникалық қызмет көрсетумен қатар, асхана тағамдарының сапасына дейін мән береміз. Орталықты «А» санатына өткізген жағдайда қызметкерлер саны да өседі. Әрі жергілікті тұрғындарын ғана жұмысқа қабылдаймыз. Екіншіден, кәсіпкерлікке қолдау жағынан жергілікті орындар ерекше атсалысты. Өсіресе, корпорация тарапынан құжаттарды реттеу, кенес беруде еш кедергі жоқ, — дейді кәсіпкер.

құрайтын жобаны иесі әлі де үлкейтпекші.

— Бір мезгілде 60 адамға дейін қабылдайтын қонақ үй, вулканизация, автокөлік жуу, техникалық қызмет көрсетумен қатар, асхана тағамдарының сапасына дейін мән береміз. Орталықты «А» санатына өткізген жағдайда қызметкерлер саны да өседі. Әрі жергілікті тұрғындарын ғана жұмысқа қабылдаймыз. Екіншіден, кәсіпкерлікке қолдау жағынан жергілікті орындар ерекше атсалысты. Өсіресе, корпорация тарапынан құжаттарды реттеу, кенес беруде еш кедергі жоқ, — дейді кәсіпкер.



Айта кетсек, Қармақшы ауданы арқылы «Батыс Еуропа-Батыс Қытай» халықаралық автожолының 151 шақырымы өтеді. Осы аралықта 10 түрлі санаттағы жол бойы қызмет көрсету орталығы жұмыс істеп тұр. Олардың ішінде биыл қосылған жаңа кешендер — «Керуен» мен «Маргари-та» сервистік орталығы да бар. Аудандық кәсіпкерлік, өнеркәсіп және туризм бөлімінің басшысы Еркебұлан Әбдікереметовтің айтуынша, мұндай нысандар өңірдегі туристік инфрақұрылымның дамуына, жаңа жұмыс орындарының ашылуына оң әсерін тигізгі отыр.

